

minati di sopra messeno la sua, ch'è la mia opinione, a la qual tutto el Consejo era inclinato; et sier Alvise Mozenigo el cavalier, volendo parlar in risposta dil Pexaro, et l'ora era tarda, 3 hore di note, sier Francesco di Garzoni el consier messe l'indusiar a doman; et volendo li Savii mandar tute le parte, la Signoria fe' comandar stretta credenza di questo, qual uno altro di si delibererà, et licentiò il Consejo.

Fu prima posto, per i Savii, una letera a li retori di Bergamo, dagi ducati 400 a domino Bertolin da Terni qual ne ha servito di assa' danari. Fu presa a conto dil suo credito. Ave 182, 5, 2.

64\* Fu posto prima, per i Consieri e Cai di XL, atento il strenuo Zorzi Busichio capo di stratioti, qual è venuto, et domino Michiel de Grayisa marchese di Piera Pelosa sono presoni in man di tedeschi; il qual marchese è zà anni 5, sia concesso, per autorità di questo Consejo, potersi contracambiar con Corado fiol dil conte di Festimburg, qual è in li Cabioni preson, *ut in parte*. Ave 180 de si, 8 di no, e fu presa.

Fu leto, a tempo si balotava li capitoli di brexani, una deposition de uno explorator vien di Romagna, qual, examinato per Andrea Rosso secretario nostro, depone in questa forma: Come, dito amico fidel, *fide digno*, parti da Pexaro Marti da mattina, a di 24, dove era la compagnia dil conte Guido Rangon di homeni d'arme zercha 60 e cavali lizieri 60, et zercha 300 fanti, et non vi è altra zente. Il duca Lorenzin è col campo a uno loco mia 5 lontan di Pexaro, sopra uno monte, e il campo dil ducha Francesco Maria con la sua persona sopra uno altro monte più alto e forte, mia uno vicino uno campo di l'altro. E nel campo dil ducha Lorenzo è fanti 10 milia, lanze 400, cavali lizieri 400; la più parte fuze-no per non esser pagati. Nel campo dil ducha Francesco Maria è fanti 6000 eleti e ben pagati, et zerca 1000 cavali tra homeni d'arme o cavali lizieri; et ogni di scaramuzano insieme, et quelli dil ducha Lorenzo ha la pezor. E Luni passato, a di 23, Troylo Savelo e il signor Orsino, quali erano in Fan con cavali e fanti da zercha 2000, andono asaltar uno castello tenuto per quelli di Francesco Maria, dito San Costanzo, dove erano da fanti 200 et spagnoli 100, et fono rebatuti; dove al primo conflitto fo morto Cola Moro contestabele e uno altro capo. *Item*, dice, che Domenega, a di 12, erano zonti nel campo dil ducha Lorenzo fanti 1000 spagnoli mandati dal Papa, e volendo il ducha Lorenzo far fato d'arme, par che 'l signor Renzo e Vitello li mostrasse brievi dil

Papa non vol si vengi a la zornada. *Item*, è 6 zorni che li guasconi è col ducha Francesco Maria, fece intendere a li guasconi è col ducha Lorenzo, che sariano svalisati, mostrandoli uno breve dil Papa scrivea di questo; i qual tornati si dolseno a esso ducha Lorenzo, il qual li disse non era vero, et il breve esser fento; i qual guasconi si volsenò levar, per il che il campo di dito ducha Lorenzo quel di volea ritrarsi a Fossimbrum. *Item*, che 'l capitano Zucharo, qual è col ducha Lorenzo apresso Pexaro, Sabado, a di 21 fu asaltato e toltoli li soi vestimenti; ma inteso questo a Pexaro, il conte Guido Rangon ussi fuori 65 et recuperò li arzenti solamente. *Item*, di le zente francese vien in aiuto dil ducha Lorenzo, dice haver inteso erano in Bologna e non verano per voler danari. *Item*, eri mattina fo a Rimano, et nel camino senti assa' colpi; sichè, si tien, di hora in hora li campi habino a far zornata insieme. Et questa è quasi copia di la relatione.

Ancora in questo zorno, in Pregadi, intesi esser ozi, poi nona, dito per la terra una nova, come era aviso, per uno venuto di Zara, che 'l rezimento di Corphù à spazà letere di Cipro a la Signoria, come il campo turchesco era stà a le man con il campo dil Soldan, e turchi erano stà roti, e il Signor turcho era stà morto, et che doman tal letere sarano qui. E questo fo per uno, si dise, è in caja di sier Ferigo da Molin qu. sier Marco; la qual nova fo sparsa per la terra; ma non reusite.

### 223 Eletion di Cinque Savii ai Ordeni.

Sier Antonio Mozenigo di sier Alvise el cavalier . . . . .	140. 81
Sier Francesco Surian di sier Andrea . . . . .	64.163
Sier Beneto Balbi di sier Piero, qu. sier Beneto . . . . .	65.163
Sier Lunardo Balbi qu. sier Zuane, qu. sier Giacomo . . . . .	78.149
Sier Zacaria Trivixan di sier Nicolò, qu. sier Tomà procurator . . . . .	116.104
Sier Francesco Malipiero, fo castelan a Padoa, di sier Andrea, da Santo Apostolo . . . . .	100.123
Sier Lunardo Venier, fo consolo di merchanti, di sier Moixè . . . . .	137. 87
Sier Zorzi Arimondo, fo podestà a la Mota, di sier Fantin . . . . .	70.156
† Sier Alvixe Michiel, fo a la Doana di mar, di sier Vetor . . . . .	146. 78